

# Neky Di'ibü Paablü Tyuknigajxtü Ja Filipus Ja'ayuty

**1** <sup>1</sup>Üj Paablü, tukmuku müt ja nmügu'uk'ajtam Timotee, Jesukristu myüduumbaty. Ndukngajxtuptsu tyadu neky nidügekyü ja Diosu jya'ayuty di'ibü ijttup Filipus kajpnóty es di'ibuty kywentü'ajttup ja mübüjkrütüjk müdu pyudüjküбаты. <sup>2</sup>Wa'an ja nDios Teety'ajtam es ja Nindsun'ajtam Jesukristu mgunu'xüdu es mmo'oyüdat ja agüjk'ajt jotküjk'ajtan.

## Paablü tnikajxtaagu ja Filipus mübüjkrütü

<sup>3</sup>Tugok tugóküts miits njamyatstü, nja'aygyüdákyryyüts ja Dios müt miidsuty. <sup>4</sup>Kots miits nnigajxtaagüdu, dü'üñüm xyonda'aky ja n'aa njot <sup>5</sup>müt ko tim jawyiin ko xy'amüdoonajxtü ja oybyü ayuk es extü tyambaat, ti'igyü ndu'unüm es yajkajxwá'xut ja oybyü ayuk. <sup>6</sup>Paaty ndukmü'awdajtupts ko Dios 'yaktunaambyüm mä miidsü tyadu oybyü tuunk di'ibü tü dyajtsonda'aky, es ya'abatüdyá'ayaampy extü ko yü Nindsun'ajtam Jesukristü jyambítat. <sup>7</sup>Müt ko xypyátrüts esuts dü'ün nnayjyáwuty es njamyatstü müt ko njantsytsyoktü, müt ko miidsuty dü'üñüm xyajwá'xtü müt üj di'ibü Dios mmooyüdap, dü'ün éxtüm kots ndsimdsyüünü o kots ngajxwá'xyüts ja Kristü ñitsokün es nyajtydyúku ja oybyü ayuk. <sup>8</sup>Pesü Dios ñija'ap yajxón nü'unüts miits njantsytsyoktü nidügekyü müt ja Jesukristü tsyojkün, <sup>9</sup>es n'amdeepy nbüjktseebyüts ja Dios es dyajmüjwindúkut ni'igü yü mdsojkün nixim niyam, es mduknijáwüdat wá'atsti'knü wi'ixü dü'ün ja Dios ttseky es njiky'ajtam, <sup>10</sup>es xywyin'íxtat miits di'ibü dü'ün oy, es dü'ün mjiky'áttat wá'ats, es kyaj xymyüdáttat ja pojpu extü ko Kristü myünat, <sup>11</sup>es dü'üñümü mjiky'ajtanuty dya'ixüdat ko Kristü mdukmüdjütüdap ja oybyü mjot mwinmä'añuty, es ko xymyay'at xywyindsü'ügüdu ja Dios, es dü'ünü ja'ayuty tmay'at twindsü'ügüdat es t'awdáttat ja Dios.

## Xondakp ja Paablü ko Kristü 'yayuk yajkajxwá'xy

<sup>12</sup>Mügu'ugítaty, ndsejpyüts es xyñijáwüdat éxtümts üj tü njaty tü ngubety, tü myüjwinda'aky ja oybyü ayuku kyajxwá'xün. <sup>13</sup>Pes dü'ün nidügekyü ja soldaäduty mä ja Sésar pyalasyü esü wiingátypyü otyyim madsooty ñija'ädap kots üj n'ity tsimy müt kots nmüdüñ ja Kristü. <sup>14</sup>Es ko t'ijxtü ja nmügu'uk'ajtam ndsimdsyüünüts, may xyonda'áktü es tkajxwá'xtü ja Diosu 'yayuk, es ni ti tkajáwüdu, ni'igü tjotmo'oydyü ja Nindsun'ajtam.

<sup>15</sup>Tay'ajtun ko naaguty tnmadya'aktu Kristu tsipkyujxm es naywyinnaxujawugyujxm, es tamu wiingátypyu tnmadya'aktu mut ja oyjyotkyujxm. <sup>16</sup>Pánaty ñimadyáktup ja Kristu mut ja oyjyotkyujxm, da'un ttundu mut ko xytsyóktats es tñijáwada ko tyaats uj esats nñitánut ja oybyu ayuk; <sup>17</sup>es ta pánaty ñimadyáktup ja Kristu mut ko ñayyajmujpudsuma'anada ku'am, es kyaj amumdu'uk jot, je'eyu da'un ttundu esats ndsipjáwut ya pujxndugóty. <sup>18</sup>Per oy mut oyjyotkyujxm o kyaj myut'oyjyotkujxmty, kyajxwa'xtubum ja Kristu 'yayuk; esu tyaadudsu da'un xyajjotkujkup es waana ni'iguts xy'aktim'yajxonda'aky, <sup>19</sup>mut ko nñija'abuts ko pudsumaambuts uj pujxndugóty mut ko miits xyñigajxta'aktudats es kots xypyuduku ja Kristu Jya'ajun. <sup>20</sup>Pes n'awijxypyuts amumdu'uk jot es ni na'ats ndsoytyúnut, per amak jotmákuts ti ndun ngajxut es da'uñum yaj'ixut ma uj ja Kristu myuj'ajtun, óyuts njiky'aty o óyuts n'eeeky. <sup>21</sup>Mut uj, pan akjiky'ajtputs, n'akmádúnupts ja Kristu; es pan o'krupts, mut uj waana ni'igu 'yóyuty. <sup>22</sup>Es pan mut kots n'akjiky'aty, mbaadudsu da'un ni'igu nmádúñ ja Kristu. Kyajts nnijawu di'ibuts njotmo'oyup. <sup>23</sup>Da'unuts uj éxtum tu'ugu ja'ay 'yity adijmíky anajñ aga'añ: njatsejpyuts esats uj n'oogut esxyupts n'ity mut ja Kristu. Waanu ni'igu 'yóyuty mut uj, <sup>24</sup>per mut miidsuty, waanu ni'igu 'yóyuty esats n'akjiky'átut ya naxwiñ. <sup>25</sup>Kots da'un ndukmu'awdaty, nñija'abuts uj ko akjiky'ataambuts ya naxwiñ es nbudákudat miidsuty es ndukmádúndut ja Jesús, es myuj myáyut ja it xo'onun di'ibu mmudajttup mabujkungyujxm, <sup>26</sup>es da'un kots n'ítut jatugok mut miits, mmudáttup wi'ix tsoo waanu ni'igu m'it mxóndut mut ya'ugyujxma Jesukristu.

<sup>27</sup>Per wa'ants xyjaty tits xyjajtp: nayya'ítuda da'uñum éxtum ja oybyu ayuk di'ibu Kristu ñimadyakypy, es da'un óyuts xyjanasmajtsaba es najx ngu'ixtu, o óyuts n'aktim'ijtpu tsimy esats pan xyñimínut es xytyukmamadya'agudats wi'ix miits mjattá, nnijawuyaambyuts ko miits ti'igyu mnayya'ítuda muk aa muk jot ja mabujkungyujxm di'ibu yajpátp ma ja oybyu ayuk, m'aktunda ma xytyuk'uxpaktu ja oybyu ayuk, <sup>28</sup>es ni na'a mganayyákudat ma ya mmudsíputy es m'adsu'ugudat oynu'anun. Tyaada ya'ijxup wa'atsti'knu ko tyugoya'andu ya'ujuty es ko miits mñitso'oga'andu. Diosu da'un ku'am di'ibu mmooyudabu tada nitsokun. <sup>29</sup>Pes mut ya'ugyujxm ja Kristu Dios tu mmo'oyuda ja may'ajtn kyaj jye'eyuty ko xymyabeky ja Kristu, nandu'un m'ayoy mut ya'ugyujxm <sup>30</sup>es xytyúnut nandu'ambu ja tuunk di'ibu éxtum tñayup xy'ixtu ndúñuts kots uj ndsiptuñ mut ja ka'oybyu, es xymyudowdu ko da'uñumts n'aktúñ.

### Kristu yujy'ajtun esu myuj'ajtun

**2** <sup>1</sup>Pan mjotmukmooyudup ja Kristu, pan myajjotkujk'ajtudup ja'agyujxm ko mdsókuda, pan ja Espiritu Santu muut m'ittu, es pan mba''ayoodup ja ja'ayuty, <sup>2</sup>mdúndup wi'ixuts uj n'it nxónut jotkuda'aky ja'agyujxm ko ti'igyu ja winma'añ xymyudattu, ti'igyu mnaydsyókuda nixim niyam, ti'igyu mnayjyáwada es ti'igyu mjot mja'ajunuty. <sup>3</sup>Di'ibu mdúndup miidsuty ma mjiky'attu, ni ti xykyatúndut di'ibu je'eyu ku'am xytyuk'oy'áttut o mnaymyujpajta'agudat mut ja wiingátypyu,

naybyajta'agudu yuunk naxypy, es xyjávut ko myájuty ja wiingátypyu es kudiinam miidsuty ká'am. <sup>4</sup>Wa'an nidu'uk nidu'uk miits t'axta'aydu ja di'ibu tyuk'oy'áttap ja wiinkpúty, kyaj je'eyu di'ibu ká'am mduk'oy'áttap.

<sup>5</sup>Wa'an nidu'uk nidu'uk miits xymyudáttat ja mjot mwinma'añ éxtam tmudajty ja Nindsan'ajtam Jesukristu. <sup>6</sup>Oy yu'u du'añam Dyiósuty, kyaj jynán agwanu es dyajtúnat ja kyutujkun di'ibu myudajt, <sup>7</sup>es ñaydyukniwatsu di'ibu jya'a'ajtypy, es ñaybyujtáku éxtam tu'ugu mduumbu, es myiñ jyajty naxwiiñ éxtamu ja'ay. <sup>8</sup>Es ko jya'ay'ajty, waanu ni'igu ñaybyujtáku yuunk naxypy, es tmamudooy ja Dios Teety, extu tkupejky ja o'kun kruuzkujxy. <sup>9</sup>Paadyu Dios tu myo'oyuty tugekyu muj'ajtan esu ana'amun, es pyujtáku éxtamu Wyindsán nidugekyu ánkusuty es ja ja'ayuty di'ibu jaa, <sup>10</sup>du'an nidugekyu yu'ujuty oytyim maaty, oytsajpótmety, oyñaxwiiñuty es oyñax patkú'púty, nidugekyu yu'ujuty ñaygyoxtnaaydu'a'agudat <sup>11</sup>es t'axkáptat ko Jesusu du'an Windsán ma tugekyu. Du'anu tadu yajtúnat Dios Teety myuj'ajtanguyujxm.

### Du'an ja mubujkputy éxtam ja mudsa'a

<sup>12</sup>Magu'ugítuty, du'an éxtams miits du'añam xymyudoodu, es kyaj jyaayuty je'eyu kots n'ijty ma miidsuty, es tyam waanu ni'igu kots n'ity jagam ma miidsuty, tundu wi'ix oy mwu'amdat mat ja Dios, es mmudáttap ja tsu'ugu ko du'an xkyatúndat, <sup>13</sup>ja'a ko Dios du'an tyiimpy ma miits m'aa mjótuty, ja'a mwinma'añmyooyudap es xytyóktat ko xytyúndat di'ibu yu'u tseyjy.

<sup>14</sup>Tundu tugekyu, ni mga'ákdut es ni mganaygyugajxadut, <sup>15</sup>es du'an xya'ixudat ko m'u'unk'átudu Dios es ko mjiky'attu wa'ats, es kyajpu mbojpu. Du'an mjiky'áttat ma tadu axuk ja'ayuty esu kjuundujkuty ya naxwiiñ, du'an m'íttat ma yu'ujuty éxtamu mudsa'a ko jyajy tye'xy ma koots itan. <sup>16</sup>Pun mduundubu du'an miidsuty, nmudajtypyuts wi'ix tsoots n'it nxónat ko myínat ja Kristu, mat ko ya'ixut ja nduunguts ko kyaj tu ñapa'aty. <sup>17</sup>Oyats n'oogut éxtamu windsu'kun esudsu nne'pyñ tyam yókat éxtam di'ibu yajtuknitaambu windsu'kun, xondákpats ja'agyujxm ko miits oy xymyudundu ja Jesukristu mmubujkungyujxm. Xondákpats mat miidsuty, <sup>18</sup>es ndsejpyuts es nandu'an mxonda'aktat mat uj.

### Timotee esu Epafroditu

<sup>19</sup>Ko Dios jynaa'anut, ngaxaambyuts tsojku Timotee es min xy'awánuts wi'ix m'ittu miidsuty, es du'an xyajjotkujkudats. <sup>20</sup>Pes kyájuts pán nmudaty ja wiinkpu di'ibuts maut tyi'igyu ja n'aa njótuts, es mnimay mnidájudu wi'ix m'íttat yajxón miidsuty. <sup>21</sup>Nidugekyu yu wiingátypyu, yu'u je'eyu wyinma'añ'ajtypy di'ibu ká'am tyuk'oy'átap es kyaj tkajxwa'xa'añ ja Jesukristu 'yuxpújkan. <sup>22</sup>Per miidsuty byeen yajxón xñijáwudu ko éxtam tu'ugu u'unk ana'k tpu'duku ja tyety, du'unuts ja Timotee tu xypyuduku kots ngajxwa'xy ja oybyu ayuk. <sup>23</sup>Paaty jantsy je'eyuts uj nnijávut wi'ix tyu'u'wítsy yu njotmá'yuts, ndu'unuts njajuna'añ es nduknigaxa'añ ja Timotee. <sup>24</sup>Ndukma'awdajtu'pts ja Dios ko tsojkuts uj nandu'an nnujxut.

<sup>25</sup>Du'unuts tu nwinmay ko ngajxumbítat yu Epafroditu, di'ibuts uj maut ti'igyu nduñ esuts maut nyajjuptugóy ja axuk'ajtan, ja'a di'ibu

miits xytyuknigajxta esuts xypyudákut mats ndsimdsyunn. <sup>26</sup> Pes ya'u byeen mjawin'ixa'anudu jatugok nidugekyu miidsuty es amaymyunt jotmaymyunt ko miidsuty tu xymyudowdu ko tu pyékyuty. <sup>27</sup> Es tãy'ajtun'u ko tu pyékyuty, pes jatim jawaanu tu jya'eeky; peru Dios tu pya'ayóyuty, es nandu'un uj, kudiibuts njátut ni'igu o'ktáy. <sup>28</sup> Paaty byeen njantsytyuknigaxandu miidsuty es mxonda'aktat jatugok ko xy'ixtat, es xonda'agapts mat miidsuty mat ko Epafroditu jya'tut oy muk ma miidsuty. <sup>29</sup> Axájudu xonda'aky'aa xonda'akyjyót éxtamu nmamuduumbu'ajtam ma ya Nindsun'ajtam, es tsokta byeen nidugekyu di'ibu du'un éxtam ya'un. <sup>30</sup> Pesu Epafroditu jawaanu tu kya'eeky ko tmudún ja Kristu, es ñaybyujtaku ma kyudsu'uguty kots xypyudajku ma miidsuty kyaj mbaat xypyudajkudu.

### Tsobatp ko Kristu ya'axaju éxtamu Yajnitsókpu

**3** <sup>1</sup> Mugu'ugítaty, xonda'aktu Nindsun'ajtamgyujxm. N'anmaayambijttap di'ibu tu n'ok'anmaabyudu. Kyajts ni ti nay'adsijpun ngajawa es n'anummat janaam jatsojk ya ngajxwíjunnuts, mat ko du'un miits kyaj xyja'aydyugódyut.

<sup>2</sup> Naygywentu'átudu es kyaj mwín'uunudat di'ibu mduk'uxpakánudap di'ibu kyaj tyay'ajtanuty, es mdukmudijayánudap es myajtsúktat waanu ma ya myedyujk'ajtan<sup>a</sup>. <sup>3</sup> Per udsajtam du'un meeru ja ijxwu'amun nmudajtam di'ibu myudajttap ja Diosu jya'ayuty, n'awdajtam ja Diosu Jya'ajun muut es nxondákum mat ko xyja'a'ajtam ja Nindsun'ajtam Jesukristu, es kyaj n'ajot'ajtam ja nikujxyudu. <sup>4</sup> Ta may ja ja'ayuty di'ibu naymyujpajtákuwap mat ko tu tkuyduñu tadu kostumbru. Mat kooxyap ya'ayu ko nguydu'unum ja kostumbru es tsyobátxyap oynu'unun, uj nandu'un mbaatxyapts naymyujpajta'agyuty waanu ni'igu kudiinamu wiinkpety. <sup>5</sup> Nyajtsijkyuts uj ko tyuktujkxubejty madsu naty tu nmiñ tu nja'ty naxwiin, israelitu ja'ayuts uj, Benjamingu tyuamp 'yaats, ebreeu ja'ayuts uj, ebreeu ja'ay 'y'u'unk, es éxtamu Moisesu 'yana'amun yajpadún, fariseeuts 'yijty; <sup>6</sup> es di'ibuts ni'igu nduun, njantsypyajudijttákuts ja di'ibu myubajktu Jesús éxtam ja Kristu, es nguyduuñuts ja Moisesu 'yana'amun éxtamts ni pán mbaat xykyani'uunu mat ti peky. <sup>7</sup> Per mat ya'uguyjxmu Jesukristu, tugekyu tyadu di'ibuts uj ijty nmujpajtákyu, tyam nbujtákyupyuts éxtam ni ti tkatsooty; <sup>8</sup> kyajts uj ti nnekyjyawu ko yajtukmu'ijxkijxyu ja oy'ajtan di'ibu yajmadajtp ko Jesukristu ya'ix'áty, uj nYajnitsókpu. Kristukyujxm tugékyuts tu nmastu'utta'ay. Posta'agun njáwuts tugekyu tyadu esuts nganarátut ja Kristu, <sup>9</sup> esudsu naty tu nwe'emy ti'igyu mat ya'u. Kyajts uj n'uxta'ay esuts nwu'amut oy mat ja Dios ja'agyujxm kots njakuyduuna'añ ja ana'amun, ja'ats n'uxtaapy wi'ixuts oy nwu'amut mat ja Dios mat ko Dios oy tmutwe'emy ja ja'ay ja'agyujxm ko tmubaktu Kristu. <sup>10</sup> Ja'ats ndsejpy es uj ni'ixy'átut yajxon ya Jesukristu, es ya'u tyúnat mats ja njiky'ajtan mat ja myuk'ajtan di'ibu myudajtp ko jyikyepyeky. Ndsejpyuts es nmunax nyajnaxut ja ayo'on éxtam oj jyaty, es du'un n'ítudats éxtam ya'u ko 'ye'ky, <sup>11</sup> es oy tyimwi'ix tsooty ndúnupts esuts njikyupyákut kots n'oogat.

<sup>12</sup> Kyajts uj n'andijy kots tu tugekyu ya'u nbattaayñu o kots uj kexy ka'pxy n'óyuty éxtamu Dios tseky, per nmujajats ndiimpy mabaadats

nmada'aky esuts nguydyúnut ja winma'añ di'ibu Jesukristu myudajit ko dyajtsondáky esuts xyja'a'áty. <sup>13</sup>Mügu'ugítuty, uj kyajts njuna'añ ko tuts nganaraty ja may'aty. Ta tu'uk di'ibats táy'ajtun ndiimpy. N'okja'aydyugóyuts di'ibu tu ñajxnü, esu nmujaa nyajtún mabaadats nmada'aky es nmamada'agudut di'ibu miimprnüm. <sup>14</sup>Du'unuts uj éxtümü ja'ay di'ibu muk püyu'kp es jawyiin jya'ta'añ ma kyuguxu ja püyu'kn, esu Dios xymyo'oyudats ja may'aty di'ibu Jesukristukyujxm xytyukniwowu esuts njiky'átut jam tsajpótm.

<sup>15</sup>Nidugekyu udsajtum di'ibátyu Dios tu ttukjaygyuku yajxón di'ibu yu'u tseyjpy, du'un njiky'ajtum. Es pun jaa ti oynu'unun xywyinmaydyu miidsuty mut ja wiink winma'añ, wa'an ja Dios mmo'oyudu jaygyujkun es xyjaygyúkadut di'ibu du'un táy'ajtun. <sup>16</sup>N'okjiky'ajtum éxtümü Dios tu xytyukniija'am.

<sup>17</sup>Mügu'ugítuty, jiky'attü éxtumts xy'ixy njiky'átyuts uj. Nandu'un xypya'ixtut di'ibáty nandu'un jiky'ajttup éxtumts uj njiky'aty. <sup>18</sup>Ja'a ko ta may di'ibu jiky'ajttup éxtum tu n'ok'anmaabyudu kanak ok nibudu'uk, es tyam extü jilbyuts n'anmaayumbittu ko myúdsip'ajttup ja Kristu, kyaj ttsoktu es ya'anuumudut ko Kristu 'ye'ky kruuzkujxm, <sup>19</sup>paaty páttup ñujxut ma ayoodákn. Jam ja wyinma'añ tpejta'aktü ma ja kaaky je'xy es tyukmuj tyukpátudap di'ibu tsoydu'un muut. Yu'u yu je'eyu wyinmaaydyur di'ibu ya naxwiin. <sup>20</sup>Per udsajtum, tsajpótmada ja'ay'ajtum, es n'awijx njujp'ijxum es jam kyuda'agut yu n'ajnutsokpu'ajtum, yu Nindsun'ajtum Jesukristu. <sup>21</sup>Yu'u yajtugátsup ja nnini'x'ajtum di'ibu ayoop, es du'un kyuxu'ugut éxtümü kyuum nini'x di'ibu jyantsymyudajitypy ja muj'ajtun; du'un ttúnut mut ja myuk'ajtun esu kyutujkun di'ibu muut 'yane'emy ma tugekyu di'ibu jaa ijtp.

#### Ijtp nxondákum ma Kristu

**4** <sup>1</sup>Paaty mügu'ugítuty, di'ibaty njantsytsyojktup es njantsy'ixa'andu, xytyukxondáktupts uj miidsuty. Akpanujxtu Nindsun'ajtum amumdu'uk jot.

<sup>2</sup>Nmünü'xtáky py mij Evoodu, es nandu'un mij Síntiku, es xymyastu'uttut yu mdsip tuunk winma'añty, es yajkax yajnáxtu otyim tii tyimwi'ixuty, éxtum tukka'axpün ma yu Nindsun'ajtum. <sup>3</sup>Es mij Sísigu, di'ibats oy xypyudajku ko nmudu'unum ja Nindsun'ajtum, n'amdeepy nbujktseepy es xypyudákut waanu tyadu nimajtskpu toxytyujk. Yu'uts xypyudajkudu es ngajxwa'xyuts ja oybyu ayuk, ti'igyu mut ja Klementu es yu wiinkpadyu nmamuduumbuty di'ibudyu xuu jaaybyéty ijtp nekykyujxy, ja xyuujaty pánaty myudajttup ja jiky'ajtun winu xuu winu tiempu.

<sup>4</sup>Du'ññum mxonda'aktut ma yu Nindsun'ajtum. N'ak'anmaayumbijttup es m'it mxóndut. <sup>5</sup>Wa'an nidugekyu tñijáwudu ko miits xyñasjáwudu mut ja ja'ayuty. Wingoomp ja Nindsun'ajtum Jesukristu.

<sup>6</sup>Katu mmay mdajtu, nik oy, pun ti tuun jajtup, kajxta'aktü es amdow pújktsowdu Dios, es xyja'aygyuda'aktut nandu'un. <sup>7</sup>Netu Dios mmo'oyudut yu 'yagujk'ajit jyotkujk'ajtun, di'ibu waanu ni'igu myújuty kudiinum di'ibu ja'ay mbaat tjaygyuku. Esu tyadu agujk'ajit jotkujk'ajtun kyuwala'nanp ja mjot mwinma'añ ti'igyu mut ja Jesukristu.

### May witstü mä tugekyu di'ibu oy

<sup>8</sup>Es tim ok, mägu'ugítuty, may witstü mä tugekyu yu'u: tugekyu di'ibu dün tüy'ajtün, tugekyu di'ibu nitujkup ja may'ajt windsu'kun, tugekyu di'ibu tüy'ajtün müüt, tugekyu wä'ats'ajtün, tugekyu di'ibu oybyudsüümp, es tugekyu di'ibu ya'oyñigajxp. May witstü mä tugekyu di'ibu dün oy es di'ibu nitujkup ja may'ajt windsu'kun.

<sup>9</sup>Tuunda'aktü di'ibu tü nduk'uxpeky, di'ibu tü ndukni'ixudu, di'ibu tü xymyudowdu njuna'añuts, es di'ibu tü xy'ixtu ndüñuts. Tundu dü'un, es yu Dios di'ibu xymyo'oyam ja agujk'ajt jotkujk'ajtün, ítup müüt miidsuty.

### Filipus ja'ay tmo'oydyu pudujkun ja Paablü

<sup>10</sup>Xondákrüts byeen mä yu Nindsün'ajtüm ko miits xyjamyátstuts jatugok. Kyajts njuna'añ ja tüdsü naty xy'okja'aydyugebyuduts, ja'a dü'un müüt ko kyaj tü m'awaadsu'áttü esuts xypyudúkudut. <sup>11</sup>Kyajts njuna'añ müüt ko tü n'ityüts müüt ja n'amay njotmáyuüts, pes müyaak mübatu yu'u es ngonformaráyuüts müüt di'ibüts nmudajtypy. <sup>12</sup>Nnija'ábüts wi'ix njiky'átut ko ti kye'ty es ko ti kyake'ty. Tüts nmäyujy esuts njotkujk'átut pün tiits xyjajtp xkyubajtp, kots njotkuda'aky o kots nyu'eegyü, ko ti yajmudáty yajjaygyépy may o ni tii. <sup>13</sup>Mbaaduts oytyim tiity nwinguwa'agü, müüt ko ja Kristü yu'uts xymyüjaameepy. <sup>14</sup>Per miits mduundu oy kots xypyudujkudu mäts n'amay njotmay.

<sup>15</sup>Miits Filipus ja'ayuty, byeen tsuj xyñijáwudu kots ndso'oñ Masedoñü es nüjx ngajxwa'xa'añuts ja oybyu ayuk, kyajpü wiinkpü mübüjkrütujk di'ibüts xypyudujkuduts. <sup>16</sup>Kanak ok nibüdü'uguts miits xytyuknigajxtü naybyuduku kodsü naty üj n'ity Tesalóniku. <sup>17</sup>Kyajts jayam n'anüümüdü dü'un esuts xy'aktuknigáxtuduts ni'igü may'aty, ja'ats ndsejpy esü Dios mgunu'xudut ja'agyüjxm ko dü'un xytyuundu. <sup>18</sup>Tüts n'axájudyä'ay tugekyü, es tyam nmudajtypyüts extü nan ni'igü, müüt ko Epafroditü tüts xytyukkuduku ja mmay'aty. Dü'un yu'u éxtümü pä'ak xu'kpu di'ibu yajtukwindsu'kup ja Dios, di'ibu kyupejkypy es t'oyjyawü. <sup>19</sup>Paadyü Dios mmo'oyudup miidsuty tugekyü di'ibu myajtugoy'ajttup, dü'un éxtüm ni'igü oy'ajtün tmudaty tjaygyepy mä Jesukristü. <sup>20</sup>N'ok'awdajttüm ja nDios Teety'ajttüm winü xüü winü tiempü. Wa'an dü'unuty.

### Kajxpo'xün

<sup>21</sup>Yajnáxts ja nDioskajxy nidu'uk nidu'uk di'ibáty Dios ja'a'ajtudup. Yu nmügu'uk'ajttüm di'ibüts jayam müüt n'ity, nandü'un mduknigáxudu Dioskajxy. <sup>22</sup>Nidugekyü Diosü jya'ayuty mduknigáxudu Dioskajxy, es waanü ni'igü di'ibáty ijttup mä yu yajkutujkpu kopk ja tyujk, mduknigáxudu Dioskajxy.

<sup>23</sup>Wa'anü Nindsün'ajttüm Jesukristü mgunu'xudu nidugekyü miidsuty.